

13 rang undang-undang dilulus sepanjang 20 hari persidangan



Azalina Othman Said

Sebanyak 13 Rang Undang-Undang diluluskan sepanjang 20 hari persidangan Dewan Rakyat penggal ini yang ditangguhkan semalam, kata Menteri di Jabatan Perdana Menteri, Datuk Seri Azalina Othman Said.

Beliau berkata, antaranya Rang Undang-Undang (RUU) Kesalahan-Kesalahan Seksual terhadap Kanak-Kanak 2017, RUU Kanun Keseksaan (Pindaan) 2017 dan RUU Kebankrapan (Pindaan) 2016.

Dewan bersidang hampir 20 jam

Beliau berkata, lebih menarik sidang kali ini mencatat sejarah

tersendiri apabila bersidang hampir 20 jam, semalam.

“Kerajaan akan terus komited untuk memastikan proses demokrasi di negara ini sentiasa subur dan berkembang.

“Saya berharap semua Ahli Parlimen dapat memelihara Dewan yang mulia ini sebagai satu badan legislatif negara yang dihormati,” katanya dalam satu kenyataan media yang dikeluarkan di Kuala Lumpur, semalam.

Dalam pada itu, Azalina berkata, sebagai menteri bertanggungjawab terhadap ehwal Parlimen, beliau berterima kasih kepada semua Ahli Parlimen yang berbahas dan menunjuk-

kan kematangan untuk menyuarakan masalah rakyat secara lebih profesional.

Persidangan berjalan lancar

“Setinggi-tinggi penghargaan dan terima kasih kepada Yang di-Pertua Dewan Rakyat (Tan Sri Pandikar Amin Mulia) dan timbalannya (Datuk Seri Dr Ronald Kiandee dan Datuk Ismail Mohamed Said).

“Begitu juga pegawai dan kakitangan Dewan Rakyat termasuk anggota keselamatan yang turut menyumbang tenaga dalam memastikan persidangan kali ini berjalan lancar,” katanya.